

Broj: 01-11-4-1584-42/23

Sarajevo, 22.12.2023. godine

Na osnovu člana 69. stav (3) Zakona o javnim nabavkama („Službeni glasnik BiH“, br. 39/14 i 59/22) i člana 26. Pravilnika o unutrašnjoj organizaciji Federalnog ministarstva raseljenih osoba i izbjeglica, broj: 02-02-312-15/23 od 23.03.2023. godine i broj: 07-02-312-26/23 od 30.06.2023. godine, postupajući u skladu sa mišljenjem Agencije za javne nabavke Bosne i Hercegovine, broj: 02-02-1-2522-2/23 od 19.12.2023. godine zaprimljenog na traženje ovog Ministarstva, kao Ugovornog organa, federalni ministar raseljenih osoba i izbjeglica **d o n o s i**

## **ODLUKU O OTKAZIVANJU POSTUPKA JAVNE NABAVKE**

### **I**

U cilju zaštite integriteta sistema javnih nabavki, **otkazuje se** postupak javne nabavke radova niskogradnja, broj Obavještenja o nabavci sa portala javnih nabavki: 668-1-3-48-3-64/23, iz razloga koji se nisu mogli predvidjeti u vrijeme pokretanja postupka nabavke, odnosno iz razloga jer bi nastavak konkretnog postupka javne nabavke radova narušio opće principe sistema javnih nabavki osiguranja pravične i aktivne konkurencije i ostvarivanje jednakog tretmana, nediskriminacije i transparentnosti, a postupajući u skladu sa mišljenjem Agencije za javne nabavke Bosne i Hercegovine, broj: 02-02-1-2522-2/23 od 19.12.2023. godine, zaprimljenog na traženje ovog Ministarstva, kao Ugovornog organa.

### **II**

Ova Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

## **O b r a z l o Ź e n j e**

Otvoreni postupak javne nabavke radova – niskogradnja, pokrenut je Odlukom o pokretanju postupka javne nabavke, broj: 01-11-4-1584-1/23 od 19.10.2023. godine, broj Obavještenja objavljenog na Portalu javnih nabavki 668-1-3-48-3-64/23 od 23.10.2023. godine. Procijenjena vrijednost nabavke je iznosila 12.000.000,00 KM bez PDV-a, te je bilo predviđeno zaključivanje okvirnog sporazuma sa više dobavljača na period do jedne godine.

Pristigle ponude su otvorene na javnom otvaranju ponuda dana 07.12.2023. godine, te je zapisnik sa otvaranja ponuda dostavljen svim ponuđačima. Međutim, zbog velikog broja kovertiranih pošiljki koje kontinuirano pristižu u Pisarnicu ovog Ugovornog organa realizacijom različitih javnih poziva raseljenim licima, povratnicima i izbjeglicama u okviru programskih aktivnosti Ministarstva, kada pristiže preko 1000 kovertiranih pošiljki u jednom danu, desila se, u takvim okolnostima, izgledna realna situacija ljudskog faktora kada je peti dan nakon isteka roka za prijem ponuda i nakon otvaranja ponuda, u Pisarnici Ministarstva, među kovertama zaprimljenim po drugom osnovu, nađena koverta ponuđača „Livnoputovi“ d.o.o Livno na konkretni postupak javne nabavke, blagovremeno pristigla dana 04.12.2023. godine.

Dakle, ponuda je naknadno pronađena u Pisarnici Ugovornog organa, ista nije preuzeta od komisije za javne nabavke na dan 07.12.2023. godine, niti evidentirana kao zaprimljena od strane komisije na javnom otvaranju ponuda.

U cilju zakonitog, odgovornog i ispravnog postupanja ovog Ministarstva, kao Ugovornog organa u konkretnoj iznenadnoj i nepredviđenoj situaciji, ovo Ministarstvo je vrlo hitno uputilo akt Agenciji za javne nabavke Bosne i Hercegovine, sa upitom koje radnje, sa aspekta Zakona o javnim nabavkama, ovo Ministarstvo, kao Ugovorni

organ može poduzeti za razrješenje nastale sporne situacije, a sve u interesu poštivanja općih principa nediskriminacije, transparentnosti i tržišnog takmičenja.

Agencija za javne nabavke Bosne i Hercegovine je, svojim aktom, broj: 02-02-1-2522-2/23 od 19.12.2023. godine dostavila mišljenje, kojim, između ostalog konstatuje *da ne postoji Zakonom predviđen način na koji bi se mogla prevazići takva situacija, da je ponuđač čija ponuda nije otvorena zajedno sa ponudama ostalih ponuđača doveden u neravnopravan položaj, te da bilo kojim daljim postupanjem Ugovornog organa, opći principi Zakona ostaju narušeni.*

Cijeneći gore navedeno, budući da je novonastala okolnost bila u cjelosti nepredvidiva u vrijeme pokretanja postupka konkretne javne nabavke, uz obavezu odgovornosti i zakonitog postupanja ovog Ministarstva, kao Ugovornog organa u zaštiti općih principa i integriteta sistema javnih nabavki u skladu sa članom 3. Zakona o javnim nabavkama, odlučeno je kao u dispozitivu ove Odluke.

***Pouka o pravnom lijeku:***

Protiv ove Odluke, svaki od ponuđača koji je učestvovao u postupku nabavke, može izjaviti žalbu ugovornom organu - Federalnom ministarstvu raseljenih osoba i izbjeglica, u pisanoj formi direktno ili preporučenom poštanskom pošiljkom, u roku od 10 (deset) dana od dana prijema ove odluke.

MINISTAR

Nerin Dizdar

Dostaviti:

1. Svim ponuđačima u postupku
2. a/a